



Cyngor Cymuned Aberporth Ymgynghoriad Cymunedol Astudiaeth Enghreifftiol

Un Llais Cymru



One Voice Wales

Cip cyflym:

Cynhaliodd Cyngor Cymuned Aberporth ymgynghoriad cynhwysfawr er mwyn cynnwys pobl leol yn y gwaith o lunio cyllideb 2025–2026.

Y nod oedd bod yn fwy agored ynghylch y bwriad i godi'r praesept a chael gwybod mwy am flaenoriaethau'r gymuned.


Trwy ddefnyddio arolygon, cyfarfodydd cyhoeddus, a dulliau digidol, casglodd y Cyngor dystiolaeth ar gyfer gwneud penderfyniadau, a gofalu fod y gyllideb yn adlewyrchu anghenion lleol. Roedd y broses wedi cryfhau ymddiriedaeth ac wedi annog pobl i gymryd rhan.

Edrych yn ôl ar 2024.



Defnyddiwyd y fideo hon ar sgrin fawr yn y cyfarfod cyhoeddus ac ar gyfryngau cymdeithasol i roi gwybodaeth a chodi ymwybyddiaeth o rôl y Cyngor yn y gymuned

Gwybodaeth am y Praesept



Cynhyrchwyd gwybodaeth am y praesept a chyllideb 2025–2026. Cafodd hynny ei rannu yn y cyfarfod cymunedol, ar hysbysfyrddau pentrefi ac ar gyfryngau cymdeithasol.

Heriau

Wynebodd Cyngor Cymuned Aberporth nifer o heriau wrth geisio ymgysylltu:

Gwasgariad Daearyddol: Roedd gwasanaethu pedwar pentref gwahanol a'u hanghenion gwahanol yn golygu fod rhaid cael cynrychiolaeth gyfartal.

Poblogaeth yn Heneiddio: Roedd llawer o bobl hŷn yn wynebu problemau hygyrchedd, ac roedd rhai yn anghyfforddus yn defnyddio offer digidol neu'n methu mynd i ddigwyddiadau wyneb yn wyneb.

Ymwybyddiaeth Gyfyngedig: Nid oedd llawer yn deall rôl neu gyfrifoldebau'r Cyngor.

Rhwysterau Cyfathrebu: Roedd negeseuon clir a chyson ar draws nifer o fformatau gwahanol yn hollbwysig, a chafodd yr holl ddeunyddiau eu cyfieithu a'u darparu yn y Gymraeg.

Atebion

Defnyddiodd y Cyngor drefn aml-weddog o roi gwybodaeth, ymgysylltu a chasglu adborth:

Rhoi Gwybodaeth i'r Gymuned: Buont yn rhannu deunyddiau clir a hygyrch trwy gylchlythyron, hysbysfyrddau, a chyfryngau cymdeithasol, gan esbonio'r gyllideb, rôl y Cyngor, a'r cynnydd a fwriadwyd yn y praesept mewn iaith syml.

Ymgysylltu â Phobl Ymhob Pentref: Roedd yr ymgynghori'n cynnwys arolygon ar-lein, holiaduron papur, digwyddiadau galw heibio, a chyfarfodydd pentref. Bu aelodau'r Cyngor hefyd yn mynd i gyfarfod â grwpiau lleol i godi ymwybyddiaeth, ateb cwestiynau, a meithrin ymddiriedaeth.

Cafodd Cyngor Cymuned Aberporth gefnogaeth gan Gymdeithas Gwasanaethau Gwirfoddol Ceredigion gyda chyflwyno Cyllidebu Cyfranogol; cychwyn syml ar y broses oedd cynnig cyfle i flaenoriaethu gwasanaethau oedd bwysicaf iddyn nhw.

Adborth

- Cafodd adborth ei gasglu, ei ddadansoddi, a'i rannu'n agored trwy ddiweddariadau cymunedol a chyfarfodydd y Cyngor.
- Defnyddiwyd y prif themâu a blaenoriaethau a ddewiswyd gan bobl leol i lywio penderfyniadau ar y gyllideb ac wrth gynllunio'n strategol.

Ymrwymodd y Cyngor i gynnal deialog parhaus, trwy gylchlythyron rheolaidd.

Fel rhan o'r broses ymgynghori, roedd y Cyngor wedi deall ei bod yn bwysig creu hunaniaeth gyson y gellid ei hadnabod.

Cafodd dyluniad brand syml yn seiliedig ar logo presennol y Cyngor ei ddatblygu i sicrhau y gellid adnabod yr holl ddeunyddiau yn rhwydd, a bod yr holl waith cyfathrebu yn defnyddio'r un cynllun a dyluniad.

Digwyddiad Ymgynghori â'r Gymuned



Dewch ymuno â ni i ddiol gwybod Beth
mae'r cynnydd wedi gynnwilio ar gyfer
2024 a'n helpu ni i ddeall eich
blaenoriaethau ar gyfer y gymuned.
Rydym wir eisiau clywed gennych.

 **Neuadd Bentreff Aberporth**
Dydd Sadwrn, Chwefror 1af
2pm - 4pm



ABER-PORTH
Cyngror Cymuned Community Council

Rhoddodd digwyddiad ymgyngori cymunedol wyneb yn wyneb gyfle i'r Cyngor ateb cwestiynau yn uniongyrchol, rhoi sylw i bryderon yn syth, ac ymgysylltu â phobl na fyddent yn cymryd rhan fel arall. Roedd y digwyddiad yn cynnwys te prynhawn a theisennau a gweithgareddau er mwyn annog teuluoedd i ddod draw.

[illegible][illegible]

Roedd darparu adborth i'r gymuned ar ganlyniadau'r ymgynghoriad a'r cynllun gweithredu wedi helpu codi ymwybyddiaeth o waith y Cyngor, gan wella ei broffil cyhoeddus, ac adeiladu ymddiriedaeth. Mae'r adroddiad adborth yn dangos parodrwydd i fod yn agored, mae'n dangos fod cyfraniad y gymuned yn cael ei werthfawrogi, a'r gobaith yw y bydd yn annog mwy o bobl i gyfrannu at fentrau i'r dyfodol.

Beth Ddigwyddodd Nesaf?
Gwrandawodd y Cyngor, yna gweithredodd:

- Lansiodd gylchlythyr digidol a phrint hawdd ei ddarllen
- Sefydlodd grŵp newydd ar gyfer pobl hŷn: Bythol Ifanc

Defnyddiodd weddillion i brynu'r cae chwaraeon yn llwyr — ac osgoi benthyg arian ·

Gwnaeth SLA gyda'r Cyngor Sir i achub tai bach ·

Gweithiodd ar gais grant ar y cyd i wella cyfleusterau cymunedol

Roedd gwneud rhai enillion cyflym yn dangos fod y Cyngor yn gwrandao ac yn ymateb i sylwadau'r gymuned.
Trwy gymryd ambell gam bach, gweladwy roedd y Cyngor yn gallu adeiladu momentwm ac ymddiriedaeth

“Buddsoddi yn y lleoedd chwarae cymunedol”

“Gwella cyfleusterau tai bach”

“Cwrdd â grwpiau i wneud ffrindiau newydd”

“gwella cyfathrebu gyda phobl leol; Tudalen newyddion fisol

“mwy o finiau ar y fynedfa i'r llwybr arfordirol i ymdopi â'r cyfnodau prysur”

Beth weithiodd yn dda?



Defnyddio sawl fformat — cyrraedd mwy o bobl

- ✓ Roedd digwyddiad cyhoeddus anffurfiol wedi gwneud y Cyngor yn fwy hygyrch a rhwyddach cysylltu ag ef
- ✓ Roedd esboniadau byr a syml wedi helpu gwneud prosesau'r Cyngor yn fwy dealladwy
- ✓ Cyrhaeddodd ymweliadau drws i ddrws ac wedi'u targedu y 'mwyafrif tawel'
- ✓ Roedd yr adborth yn dangos fod mwy o ymddiriedaeth a dealltwriaeth o waith y Cyngor

Beth fydden nhw'n wneud yn wahanol?



- ✦ Byrhau'r gofynion ar gyfer atebion yr arolwg— mwy o flychau ticio /rhifo blaenoriaethau yn hytrach na gofyn am eu syniadau / barn gan mai'r tueddiad oedd gadael y blychau barn hyn yn wag
- ✦ Cael ffordd o recordio sgysiau / ymatebion a sylwadau llafar
- ✦ Cynnwys grwpiau ieuenctid yn gynharach yn y dosbarthiad
- ✦ Ystyried grwpiau ffocws er mwyn cael mwy o ymgysylltu

Prif Wersi



- 🗣️ Cyfathrebu'n gynnar ac yn aml
- 📍 Ewch i ble mae pobl — peidiwch aros iddyn nhw ddod atoch chi
- 📋 Gwneud arolygon yn fyr, gweledol, a rhwydd eu llenwi
- 💡 Defnyddio ymgysylltu i feithrin ymddiriedaeth hirdymor, yn hytrach na chymeradwyaeth untro
- 👉 Mae bod yn agored yn creu cefnogaeth — ac atebion hyd yn oed



Funding & Powers

Mae Cyngorau Cymuned a Thref yng Nghymru yn deall fod ymgysylltu cymunedol gwirioneddol yn rhan allweddol o sicrhau bod gwasanaethau lleol yn adlewyrchu anghenion a blaenoriaethau pobl leol. Mae hyn yn cynnwys ymgynghori â chymunedau ar faterion fel llesiant, darparu gwasanaethau, a chynllunio cyllidebau, gan gynnwys gosod y praecept.

Mae Llywodraethiant ac Atebolrwydd i Gynghorau Lleol yng Nghymru: Canllaw i Ymarferwyr yn argymhell fod cynghorau yn defnyddio prosesau ymgynghori agored a chynhwysol er mwyn bod yn fwy tryloyw, adeiladu ymddiriedaeth y cyhoedd, a chyfrannu at benderfyniadau cadarn.

Mae ar bob cyngor cymuned yng Nghymru angen pwerau cyfreithiol penodol sy'n eu galluogi i ddarparu gwahanol wasanaethau a chefnogaeth i'r cymunedau lleol. Mae'r pwerau hyn, a roddir trwy ddeddfwriaeth, yn galluogi cynghorau i ymgymryd ag ystod eang o weithgareddau a chynlluniau i wella lles ac ansawdd bywyd eu preswylwyr. Gall pwerau a chyfiawnhad amrywio, a dylai cynghorau ystyried eu hamgylchiadau penodol..

I gael cyngor a chanllawiau, mae croeso i gynghorau gysylltu â'u Swyddog Datblygu Un Llais Cymru. gweinydd@unllaiscymru.cymru

Y Dyfodol

- Mae'r Cyngor wedi gwneud cais i Gronfa Ymgysylltu Democrataidd Llywodraeth Cymru i geisio cael mwy o bobl i gymryd rhan a rhedeg gweithdai ar gyd-gynllunio dyfodol y cae chwaraeon.
- Maen nhw'n gweithio hefyd ar gais ar y cyd i ariannu clwb brecwast i deuluoedd dros yr haf a darparu cynnyrch ffres trwy brosiect yr Oergell Gymunedol.

Mae blaenoriaethau eraill yn cynnwys dod o hyd i arian i wella cyfleusterau chwarae a phartneru gyda Chyngor Sir Ceredigion i uwchraddio tai bach cyhoeddus.

Eisiau Gwybod Mwy??

Er mwyn cael gwybod mwy am brosiect Argyfwng Costau Byw Un Llais Cymru cysylltwch â'r tîm yn:



CoLC@onevoicewales.wales



<https://bit.ly/3KYHftK>



Un Llais Cymru